

Kursus Masakan Empower Mahkota Bantu Belia dan Ibu tunggal



Kuantan, 22 Ogos - Seramai 25 peserta yang merupakan kumpulan ketiga sejak diperkenalkan dua tahun lalu menyertai Kursus Masakan Menu 1 Malaysia Program Empower Mahkota bagi kumpulan ketiga anjuran Majlis Pembangunan Wilayah Ekonomi Pantai Timur (ECERDC) dengan kerjasama Universiti Malaysia Pahang (UMP) diadakan di Kolej Komuniti Kuantan dekat sini baru-baru ini.

Pengurus projek Ecer Mahkota, Zainal Bahari dari UMP Advanced Education (UAE) berkata, sehingga kini Program Empower Mahkota berjaya melahirkan 50 peserta kursus masakan yang terlatih dan terbaharu membabitkan 25 peserta di kalangan

belia dan ibu tunggal berpendapatan rendah sekitar Kuantan dan pekan. Sehingga kini hampir 80 peratus peserta kursus masakan telah memulakan perniagaan.

"Program Empower Mahkota ini merupakan pendekatan yang dilakukan ECER bersama UMP dalam usaha membantu meningkatkan taraf hidup masyarakat di negeri Pahang melalui pelaksanaan program kemahiran seperti kursus masakan ini.



"Bagi kursus masakan ini, peserta didedahkan dengan dengan modul Latihan kemahiran dan keusahawanan. Dari segi menu masakan peserta akan mempelajari pelbagai menu antaranya masakan Melayu, Cina, India, masakan Barat dan masakan Pahang," katanya.

Peserta juga akan mempelajari sanitasi dan kebersihan, tatacara penyediaan makanan serta penyusunan peralatan makanan di atas meja.

Selain itu mereka turut didedahkan dengan asas keusahawanan dan teknologi maklumat termasuk menggunakan media sosial seperti facebook dan blog. Tambah beliau, kursus yang mengambil masa enam bulan ini memberi penekanan lebih

terhadap pembangunan dan bimbingan keusahawanan supaya peserta dengan mensasarkan peningkatan dalam pendapatan pada masa depan.



Kursus ini dijalankan pada hujung minggu bagi memudahkan peserta untuk menghadiri kursus tersebut. Malahan, peserta diberi peluang melihat demonstrasi masakan serta mencuba sendiri teknik penyediaan agar peserta lebih yakin untuk menyediakan hidangan sendiri.

Menurut salah seorang peserta yang pernah mengikuti program ini, Roliza Hamaludin, 39, melahirkan rasa bersyukur apabila terpilih untuk menyertai kursus masakan ini. Kini Roliza yang merupakan ibu tunggal yang membesarkan empat orang anak mula membuka perniagaan makanan secara kecil-kecilan di kawasan rumahnya.

Begitu juga rakannya bagi Mohd Amirul Ashraf Mohd Yuddin, 24, yang kini telah berpeluang membuka perniagaan makanan di Kompleks Serambi Pekan. Beliau yang sejak awal berminat dalam perniagaan makanan amat berterima kasih dengan pihak UMP dan ECER yang menjadikan impiannya menjadi kenyataan.

Disediakan oleh Bahagian Komunikasi Korporat PNC

Posted By : NOR FADZILLAH BINTI ZULKIPLI Date Posted : 27-08-2015, 16:09:12